



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ՈՐԱԿԱՎՈՐՄԱՆ ՀԱՆՁՆԱԺՈՂՈՎԻ ՈՐՈՇՈՒՄ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆԱԿԱՆ ԴՊՐՈՑ» ՀԻՄՆԱԴՐԱՄԻ ՇՐՋԱՆԱՎԱՐՏՆԵՐԻ 2022Թ. ԱՇՆԱՆ ՈՐԱԿԱՎՈՐՄԱՆ ՔՆՆՈՒԹՅԱՆ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ

Հայաստանի Հանրապետության փաստաբանների պալատի որակավորման հանձնաժողովը (**այսուհետ՝ Հանձնաժողով**), մասնակցությամբ Հանձնաժողովի նախագահ Սիմոն Բաբայանի, անդամներ Արմինե Ֆանյանի, Արսեն Սարգսյանի, Գառնիկ Թուխտարյանի, Հունան Տեր-Վարդանյանի, Արթուր Պողոսյանի, Արմեն Շուքրյանի և Արտյոմ Սուջյանի կազմով,

հաշվի առնելով «Հայաստանի Հանրապետության փաստաբանական դպրոց» հիմնադրամի ունկնդիրների որակավորման քննությունների կազմակերպման և անցկացման անհրաժեշտությունը,

ղեկավարվելով «Փաստաբանության մասին» Հայաստանի Հանրապետության օրենքի 12-րդ հոդվածի և Հայաստանի Հանրապետության փաստաբանների պալատի խորհրդի 15.03.2019թ. թիվ 5/13-Լ որոշմամբ հաստատված «Որակավորման քննության ընդունման և հանձնման կարգ»-ի 5-րդ կետի պահանջներով,

ՈՐՈՇԵՑ՝

1. Սահմանել «Հայաստանի Հանրապետության փաստաբանական դպրոց» հիմնադրամի շրջանավարտների 2022թ. աշնան որակավորման քննության կազմակերպման և անցկացման ժամանակացույցը՝ համաձայն հավելվածի:

2. Սույն որոշմամբ սահմանված ժամանակացույցը հրապարակել ՀՀ փաստաբանների պալատի կայքում:

ՀՀ փաստաբանների պալատի
որակավորման հանձնաժողովի
նախագահ՝

Սիմոն Բաբայան

Որոշում N 4/1-Լ

ք. Երևան

19 հոկտեմբերի 2022թ.

ՀԱՎԵԼՎԱԾ

Հայաստանի Հանրապետության
փաստաբանների պալատի
որակավորման հանձնաժողովի
19.10.2022թ. N 4/1-Լ որոշման

Հանձնաժողովի նախագահի՝
Սիմոն Բաբայան

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆԱԿԱՆ ԴՊՐՈՑ»
ՀԻՄՆԱԴՐԱՄԻ ՇՐՋԱՆԱՎԱՐՏՆԵՐԻ 2022Թ. ԱՇՆԱՆ ՈՐԱԿԱՎՈՐՄԱՆ
ՔՆՆՈՒԹՅԱՆ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԺԱՄԱՆԱԿԱՑՈՒՅՑ**

1. 2022 թվականի աշնան որակավորման քննություններին մասնակցելու համար դիմումները «Հայաստանի Հանրապետության փաստաբանական դպրոց» հիմնադրամի (**այսուհետ՝ Փաստաբանական դպրոց**) ունկնդիրների (շրջանավարտների) կողմից առձեռն կարող են տրվել մինչև **2022թ. հոկտեմբերի 28-ը** (ներառյալ) ժամը 10.00-ից մինչև ժամը 18.00-ն (աշխատանքային օրերին):
2. Որակավորման քննություններն անցկացվելու են հետևյալ հասցեում՝ **ք.Երևան, Չաքյան 7-2:**
3. Սահմանված ժամկետում դիմում ներկայացրած ունկնդիրները որակավորման քննության
 - 1) առաջին փուլին մասնակցելու համար պետք է նախապես գրանցվեն քննության օրը՝ ժամը **09⁰⁰-ից** մինչև **09⁴⁵'** ներկայացնելով անձը հաստատող փաստաթուղթ,
 - 2) երկրորդ փուլին մասնակցելու համար պետք է գրանցվեն որակավորման հանձնաժողովի կողմից նշված ժամին՝ ներկայացնելով անձը հաստատող փաստաթուղթ:
4. Որակավորման քննության առաջին փուլն անցկացվելու է 10.11.2022թ-ին և 11.11.2022թ-ին ժամը 10.00-ին:
5. Որակավորման քննության երկրորդ փուլն անցկացվելու է 30.11.2022թ-ին և 01.12.2022թ-ին: Հավակնորդներից յուրաքանչյուրին ՀՀ փաստաբանների պալատի աշխատակազմը կձանուցի քննության ժամի մասին: